

永樂大典卷之二萬三百五十三

二質

席

詩文二

元張伯雨詩天柱山暑飲即席次玄圃真人韻。酒地晚移席。開林涼進風。玄蟬有逸饗。青山皆妙客。時將何朔並。興與竹林同。沉醉非我事。政須時一中。雲外席間懷。鐵笛箇草堂。花朝無花也可憐。桃李矜持不作妍。爛聽雨聲眠白晝。夢乘艇子上青天。閑居庶尚浮雲志。老病難趨卜夜筵。絳帳先生唯寂寞。後堂自理琵琶弦。草堂詩集姚文真和張伯雨雲林席間韻。曲句先生世所憐。新詩字字總青妍。楚江祇漫聽春雨。蜀土那知有漏天。樹隔青山迎好客。華開白日照芳筵。高居更憶雲林子。自送冥鴻揮五弦。耶律詩雙溪醉隱集西園席上調元子不至。白玉堂前白日長。滿前驚燕語如簧。那知沈飲非荒宴。侍與揚鞭問葛疆。又席上。習飲醉鄉拋浩劫。葆真靈液及天和。方知世上閑滋味。元比神仙不較多。彩雲行雨陽臺暮。羅幃生塵洛浦秋。飛起一雙花上蝶。晚風吹上玉搔頭。西園席上招雪庵松上人。山光搖蕩入簾櫳。酒漾歌雲暖玉融。煙柳

翠涵深院雨。露花香濕滿樓風。自從愁陣持降節。擬與詩兵紀戰功。借問  
飄零斷腸客。爲誰幽獨卧蓮宮。任松鄉集周震卿席上得生字。白日多  
侯。狀長風散陰晴。山疎木初落。海濶秋未清。水深見碧漢。故路溪沙平。神  
官看雷斧。下索異物精。轉步梵率下。愁僧有巾瓶。天人儼相對。我獨塵中  
行。歸途日在樹。酒杯邀同傾。葉子忽到坐。慰此頃刻情。醉懷有許闊。樂事  
更一撐。樽中莫遣盡。我欲罰潮生。葉伯幾席上得是字。達人愛秋好。  
秋氣入中裏。仰看水天橫。俯視天在水。遠山見蒼蒼。近樹立孤倚。滄江一  
帆落。空冥个鴻起。覽之尊俎間。清勁乃如此。所以達人胸。常有秋萬里。酒  
酣一吐之。秋光在筆紙。盈虛撫天時。得失固物理。萬事指爲薪。百年風射  
耳。達哉誠吾徒。一醉姑舍是。趙常父席上。俾推室。大夫心事比江海。微  
風不足生波瀾。胡爲日日飲我酒。欲以壯語相攻鑽。我初學人事。即已毒  
宴安。十行九坐今潦倒。七出八落空瀾灤。武功無亮政未易。臨邛有客吾  
何言。秋風忽掃鳳巢去。青蓮如許有此肝。未弩終當避魯縞。故袍應未忘  
范寒。武夷青山觸不折。我始赤脚扶魚竿。非君酒醪有謬誤。政自磊塊不  
可刊。魯酒薄。闕酒丹。東隣新釀芻米乾。牆頭風雨主更起。百錢爲我排此  
歡。追賦趙子實席上分韻。得常字并序。酒無聲韻律也。然達人君子。

一瀉肝胃間。但吐出紙上。或清新整潔。或豪宕放逸。抑惟其人乎。惟其酒乎。吾亦不自知也。吾徒富貴未來。意氣誰白。時時相從。輒酣歌自暢。既醉。則取古人句。裂紙尾。作字為丸。按上人爭探為得韻。艱平落欠一笑。譁然。詩成。第作軸。流傳江海間。不敢隱。醉事亦一快也。八月十九日。余與子實。潤民。遇錦山。許酌三行。子實以酒灑地。約旦月。烹羊為樂。達明治縣。日中不敢嘗食。伯幾常父。潤民及余皆集。祥卿不約亦至。錦山乃不果來。子實因往迎。先生豈忘之耶。視獨無往。意子實歸。蘭尊班坐清溪之旁。命童子行觴水中。到手輒飲。不覺大醉。明日子實獨酌。錦山亦醉。又明日俱會夫容壇下。追譚前事。以酒償尋常行。屢有分韻。噫嘻。前日之羊。今日非矣。今日之適。明日陳參。奈何猶追惜之。子實啞啞然笑。許詩成。復一醉云。秋風喚客清溪傍。碧天照眼溪沙黃。水流曲曲度橋去。綠髮童子來行觴。澆透心胃六經醉。飲去未去車生光。善刀出室坐行劊。主人為政今日羊。青山夜長魏王觝。首着曉飯。樽子囊肘中。柳影坐雲煖。庭下麥黍書畫長。公若不遣杯酒至。孔子亦死陳蔡鄉。浩歌徑欲把北斗。人生一笑不可常。胡抵適紫山集課家僮織席。簞簣雖微物。安身用最親。乘霜得佳葉。變法起親紋。斜側初無謂。端方卒有倫。賈生千載遇。前問夜將分。象床

誠穩賽。托體藉湘筠。人字憎麋俗。波紋促細鄰。溫涼宜熟寐。瑩滑淨無塵。  
所恨清霜重。乘時讓錦茵。縷組湘江竹。含風八尺椅。紗幮輕穩窄。玉枕

淨相宜。固適炎蒸用。毋為晝寢迷。清涼無俗夢。夜氣有箴規。再拜丹書  
訓。深嚴著席銘。安舒恒業業。友側亦兢兢。故苑非邀福。恭莊得永寧。臨終

猶易箴。百世可師曾。周衡之北山。集夏日訪黃府尹席上。次黃德厚韻。  
畏途漫漫正煩熱。故人一見忙解榻。竹根凍綆沒寒泉。一室空明意清豁。

夜涼華月流素光。忻然狎客飛瓊觴。千篇已羨奴島可。五詠未許餘山王。  
綺筵秩秩羅珠具。蔗漿鹽冷芙蓉露。浩歌夜久興徘徊。殘蟾西沒針河曙。

次韻徐景琬席上。洞庭霜橘包黃銀。海邊丹荔輸閩珍。高臺開筵薦  
華俎。風味雋美懷芳新。蒸花壓玉釘鴛鴦。雕盤犀筋行鮮鱗。紛紛歌管奉

名妓。秩秩簪履羅佳賓。芳尊細酌綠琬琰。寶劍共擁紅麒麟。燒殘絳燭轉  
留客。疑有四角生車輪。書生商歌風雨室。此意鬱鬱何由伸。短衣穿肘不

掩脰。五窮相與為雷陳。青陽開動生意達。短翅亦擬凌空雲。豫章遠志各  
有適。黃鍾瓦釜供陶鈞。且安龕櫺槃澗濱。米厭紫豉羹吳莼。蕭道源順齋

叢書九月十五日李子文席上佳節若為酬分韻。得即字。書生時時愁。富  
家日日節。乘此閑暇時。不飲何怡悅。樽前三四支。年少文愈傑。新詩落筆

成。句句皆清絕。酒來不須辭。要使頻吾頰。菊節過六日。友人邀小酌。我  
 時適無事。來意已不欲。賓主情況熟。笑談應自若。欣然具肴核。不豐亦不  
 約。沿溪共徘徊。秋景正蕭索。留連興未闌。野鴉啼日落。郭某席間賦。  
 喔喔晨雞喚夢醒。意軒好月壁軒燈。宦情野蠟淡無味。世路登天吁可憎。  
 十載飄零都是客。一廬寂寞靜於僧。調羹事業無勞說。深謝諸公愧不能。  
 馬廬中霞外詩集送本初朱提點之玉隆主席五首 風雨雲龍會有期。  
 文章道德際清時。石山正要名師住。喜捧天書下玉墀。新造金陽柱上  
 玄。袖香常近御爐邊。仙人出應龍沙合。合主林泉五百年。自憐學道晚  
 無成。華髮蕭蕭不受春。多謝東風湖上柳。每開青眼盼陳人。蕉池月冷  
 憶論詩。別去無端信息稀。袈裟相逢又相別。一江春水看帆飛。笙鶴遙  
 知出郭迎。歡聲雷動豫章城。碧桃開盡春山晚。騎鶴還催上玉京。送陳  
 渭史之涇縣崇玄觀主席。葛翁川上一道士。形體貌古神仙似。手持九  
 節瘦竹筇。來覓舊峯計然子。計然仙去白雲深。又束琴書尋舊跡。武林城  
 中訪親故。鶯啼燕語爭春暮。少將詩酒送平生。煙雨西湖掉頭去。有才還  
 接謝宣城。群仙已草新宮銘。紫府真官儼環珮。鑑金屢玉相逶迤。昔年東  
 海釣鰲客。白眼看人九州窄。涇縣山水天下奇。到今勝處多行迹。金鰲峯。

白鷺洲。諸君故意隨天遊。山遶水遶見明月。爲余閒僧散亭秋。哈刺元素  
詩南遊寓興劉經歷席上。三首華筵臨碧水。春色映朝簪。皓齒傳聲遠。金  
盃引興深。花燈圓似月。風竹響於琴。况值元宵近。滿城蕭鼓音。春來多  
好興。旭日照華簪。白鴈傳書去。丹心戀闕深。看山時把酒。對竹自橫琴。幸  
遇賢賓僕。賡酬足賞音。出關時迎客。鳥紗盡日簪。柳池春水滿。梅塢落  
花深。不斛相如賦。誰挑卓氏琴。忽聞技上鵲。應是報佳音。主沂詩廖子據  
廣文席上次韻。城中九日遇家釀。報新開。偶就陶公菊。因同鄭老杯。鷄  
肥綠黍熟。籬美及橙來。莫賦停雲句。應須踏月回。李希遠雲陽集和王子  
讓席上韻。衰年愁對酒。壯志憶題橋。遇事難開口。逢人愧折腰。樂傳天  
上譜。心逐暮歸樵。宴罷驪歌發。蹉跎又一朝。宋本至治集禮部席上調子  
山。尚書席上醉厭厭。朱李來禽總不拈。千縷青絲絡珠網。怕羅斜帶水  
晶盞。劉文貞公集席上。妙舞翩翻驚羽翼。清歌嘹亮遏雲霓。參休解作  
逢場戲。聲色門頭自任迷。丁仲容繪亭葉馬德昭席上賦。江上重逢鄒  
大娘。桃花紅嫩染纖裳。曼菁溪上曾相見。猶記胡麻飯顆香。張憲武正弘  
範集即席贈別。離筵不必奏笙簧。說劍論詩醉一場。別後有期期不定。  
水萍風絮兩茫茫。劉靜修集夜坐即席分賦燈花餅聲。二首眉間正有喜

千丈眼底。繞消燈一華。我自無憂安得喜。不須開向野人家。萬丈潮頭  
落晚江。一餅收拾入秋寬。官商不在人間世。鼻息雷鳴未肯降。李處寓齋  
詩集里。杜席上偶成。漁樵誰主復誰賓。莫道南朝忝從臣。數口青門依  
絳帳。十年白帽着黃巾。立同狐貉寧無恥。嘆落珠璣不救貧。且向蓬間持  
酒待。蹋歌歌罷是陽春。劉仁本卞玄集上虞席上賦。城南花塢韶光好。  
載酒吟詩不厭頻。草色宜留金谷醉。梅花別是玉堂春。蛾眉窈窕羞爲舞。  
柳柳風流最可人。行樂莫忘康濟念。問君何日靜邊塵。艾性夫詩蒲席歌。  
君不見。象床金縷黃龍髯。翠幃甘毳紅氍毹。凝香燕寢環瓊妹。美物作  
惡常須臾。能令王孫泣路隅。富貴不到山中驪。霜空鴈落寒陵膺。西溪女  
郎織春蒲。作席眼眼涵青腴。髮僧方丈供橫鋪。蒼烟翠霧不可摹。摩挲溫  
厚便鶴躬。高眼麴麴忘朝晡。遠夢颯颯生江湖。猪衾竹榻蒲爲徒。觀美不  
足安有餘。更生九節膏老夫。百年與爾同卷舒。清風傲兀超凡躰。吳澄主  
言集洪賓客席上次韻張希孟。遼海煙霞縹緲間。千年老鶴未飛還。聲  
名籍甚東園皓。氣象蕭然陋巷顏。輞轡風雲隱城市。依乘日月照區寰。不  
應便擬歸田賦。政要六鰲擎五山。張思廉詩席上。彼美瑤林姬。綠雲何盤  
盤。清歌珠落斗。妙舞玉成團。風急酒暈薄。月斜花露寒。剪燈續殘醉。把袂

接餘權。雖非長夜飲。猶勝萬錢餐。席上得佳字。翠館行厨雪乍消。燭頭  
 新柳又垂條。珊瑚枕冷人初醉。鴛鴦龍寒舌未調。座上絲鸞珠神髮。掌中  
 飛燕玉團腰。海棠一夜東風軟。落盡雲邊金步搖。取青樓席上和牙字  
 韻。延陵公子故侯家。坐上仙人萼綠華。風旋舞塵鳴玉佩。雲盤歌韻揭  
 紅牙。瑤漿灑溢香螺甲。畫鼓聲喧鐵馬撾。老子風流狂不減。水沉龍撥鼓  
 琵琶。席上贈換胡琴玉寶瓶。彈琵琶俞山月四首。花園七十紫鸞養。  
 月繞三千金鳳皇。每到曲終催賜酒。舊恩猶憶鎮南王。龍頭蛇腹半金瓶。  
 鳳樓鸞膠兩玉繩。一尺提頭封錦囊。內家新失鄭中丞。低絃背調不勝  
 哀。水壘雙飛信手撿。老盡玉皇風憲吏。月明獨上鳳凰臺。破訥沙頭漢  
 草青。蕃兒打手馬蹄輕。閑明橋上黃昏月。不作昭君出塞聲。國朝清江  
 具是臣集正月二十九日楊鳴鶴席上分韻得幾字。兩山昨夜風雨止。  
 水漲新痕沒沙尾。黃知彭澤柳初芽。紅見武陵桃欲蕊。老去逢春更惜春。  
 平生酒伴誰知己。白髮楊郎古奇士。千金已散歸田里。閑門留客為張筵。  
 共喜一時成二美。小兒行觴不計籌。大兒割肉能操七。冬笋下筍白於肪。  
 秋藕洗泥寒刺齒。且須快意在今朝。況我中年會能幾。亂離相見亦偶然。  
 海內交游半為鬼。顛狂豈顧傍人毀。但恨白日無淹晷。賦詩已覺無曹劉。

罵客安知有程李。坐中一鶴。能商歌。作連珠盡傾耳。風捲新聲入夜雲。  
豪作哀絲。靜如水。若馬倒卷玻璃。百尺高樓眠不起。藍性之藍。潤集七  
月二十八夜。同巢翁石父。燕集玄都道院。是日雷雨晝晦。既夕。星月爛然。  
席上作。偶與高人。饒武夷。天空山水漾清輝。金盤曉露葡萄酒。王女秋  
風薜荔衣。當起石堂龍未整。月生蒼海鶴初歸。瑤臺自有長生籙。莫數尊  
尊往事非。國朝宋玄僖庸庵。暮雨中席上贈承漢德。濠梁有客意相  
親。風雨孤舟泊水濱。劈具入門添我恨。烹茶為主奈家貧。從游誰作觀魚  
伴。就語今逢裹飯人。秋晚能酬江上約。豈無難黍待嘉賓。張孟倫詩集王  
駒馬席上作。城上春雲浮綠樹。亭中綺席帶朱闌。惠風已送舊微暖。細雨  
猶兼芍藥寒。將帥官同文字飲。山川渾作畫圖看。高談政自忘絲竹。安得  
移書與謝安。抄錄雜詩王太愚尊師席上賦。白雲幽洞風雨作。紅欄石  
池屏帳開。竹枝娛客促綺席。榴花照人行玉杯。豈無麟脯坐分璧。亦有龍  
管行相儼。明朝洞口與君別。尚想筵筵吹月來。元朝風雅陳晉齋別桐城  
諸老席上作。此人五百有餘歲。高會尊前笑語譁。逸興濃時過似酒。交  
情密處恰如家。朱顏鶴髮明秋水。瑤句魚鰕動綠霞。明日馬蹄衰草路。桐  
鄉回首又天涯。會稽掇英集林樾離席。何處驪駒雜楚歌。楚人歸思託

雲蘿。河陽望竟妾心遠。金谷別來郎很多。從事一春空物態。閑情千里舊風波。歸時莫聽隴頭水。腸斷不禁年少何。大雅集釋行方詩。顧玉山草堂席上寓興。春暉樓頭春最早。主人宴客情更好。萬斛蒲萄滿綠波。一色纔餘剪芳草。捲簾山色何冥冥。吳天半掃蛾眉青。亂雲忽西起。倒壓白日停。野狐啼煙道。路黑海風吹。兩蛟龍腥。短歌長吁傷我情。門前溪水聲冷冷。都梁志和鄭廣文勸農席間韻。千里熙熙萬井煙。知時膏雨兩公同。民無憂色安耕業。市有歡聲到酒筵。萬物遂宜方是政。一夫不獲便非天。太平官府多閒暇。閭里謳歌樂有年。公餘方把故書看。惠我新詩妙可刊。治道每思從簡靖。遠疆時喜報平安。人言好善求諸釋。我道平心只一教。食淡自然神氣爽。居官莫放酒腸寬。和葉峭壁席間韻。英石起敬久於公。今日相逢笑語同。意外厭聞梅子雨。池間時過藕花風。民無憂色安田業。市有歡聲喜歲豐。官府太平多暇日。相過詩酒樂衰翁。維陽志疑香小集。即席和蔡子明韻。揚州曾說舊時春。翠幕珠簾看洛神。想見東風香十里。人人宜笑更宜嗔。筆下文章似有神。多慚誇說籍中人。教成歌舞若知否。也是元戎號令新。得京都華燈於維揚。招同官疑香預賞。燈火盛長安。生平所未觀。霞飛雲母鏡。月射寶珠圓。預賞通春信。交光辟夜

寒。今宵共一醉。留取上元看。公家乘得暇。條友聚疑香。歌扇融春響。星  
毡烟夜光。月華窺粉黛。簾影隔絲簧。和氣知多少。人人入醉鄉。詞宋蘇  
東坡集醉落魄。席上呈楊元素。分勢如昨。人生到處萍飄泊。偶然相聚還  
離索。多病多愁。須信從來錯。樽前一笑休辭却。天涯同是傷淪落。故山  
猶負平生約。西望峨眉長羨歸飛鶴。臨江仙。夜到揚州席上作。樽前何  
人懷李白。草堂一作暮雲遙指江東。珠簾十里捲香風。花開花謝。離恨幾  
千重。輕舸渡江連夜到。一時驚笑衆客。語音猶自帶吳僊。夜闌對酒。依  
舊夢魂中。陸游渭南集浣溪沙。南鄭席上。浴罷華清第二湯。紅絲撲粉玉  
肌涼。娉婷初試藕絲裳。鳳尺裁成猩血色。鴛鴦透麝。香。水亭幽處  
捧霞觴。王翊蝶。王忠州家席上作。倦客平生行處。墜鞭京洛。鮮佩滿相  
此夕何年來賦。宋王高唐。繡簾開。香塵乍起。蓮步穩。銀燭分行。暗端相。燕  
羞鶯媚。蝶逐蜂忙。難忘芳樽頻勸。峭寒新退。玉漏猶長。幾許幽情。只愁  
歌罷月侵廊。欲歸時。司空笑。悶微近處。丞相嗔。狂斷人腸。假饒相送。上馬  
何妨。史浩鄞縣真隱漫錄浣溪沙。即席次韻王正之見德歌。一花鈎兒能  
幾何。弓子珠簾杏紅羅。那時分惠謝奴哥。香壓幽蘭蘭尚淺。樣窺初月  
月仍多。低堪掌上呷瓊波。二更飲詠足即席。珠履三千巧闌妍。就中弓

窄只遷遷。惱伊刻鵠轉堪憐。舞罷有香留繡褥。步餘無迹在金蓮。好隨雲雨楚峯前。三。濕翠湖山收晚煙。月華如練水連天。興來催上釣魚船。青藕一搥汀草畔。霜筠數曲渚花邊。更於何處覓神仙。四。梁武愁癡遠麼歇。箇中消息宜客猜。九年面壁口慵開。雙履却尋歸路去。一花元不是君栽。這回狂了一遭來。五。索得玄珠也是欺。人人有分莫胡猜。頂門一眼鎮長開。路斷玉關無輟跡。雪埋蔥嶺沒根栽。始知達麼不曾來。六。勝槩朱樞俯碧湖。蕭蕭風月一塵無。口堪綠蟻滿樽浮。況是小春天正爽。杖藜相與探梅初。半皴枝上未成珠。七。遠岫數堆蒼玉簪。平湖千頃碧琉璃。笙歌催我上船時。載月有如浮玉鑑。採蓮還復擁胭脂。更於何處覓瑤池。徐衡仲西窓集鷓鴣天。席上賦。翠幙圓香夜正遲。紅麟生皎燭交輝。纖腰趁拍輕於柳。嬌面添粧韻似梅。凝遠恨。惜芳期。十年幽夢綠雲飛。多情不管霜髯滿。猶欲盃翻似舊時。滿江紅。約齊同席用馬莊父韻。揮手華堂重整頓。選花場屋。操鼻觀。飛浮雜沓。異香芬縹。金縷尚餘閑態度。水姿早作新裝處。恨尊前缺典費思量。無松竹。蜂蝶恨。何時足。桃李怨成蒼狗。為情深折了一生愁。獨荀信謾勞頻探。問蘭心未許相隨逐。想從今無暇斲薑薇。鉏壠果。又得摩崖上作。爭歡交

酬消受取真山真水。供不盡杯螺浮碧。髻鬟擁翠。莫便等閑嗟去國。因因  
特地經仙里。奉周旋。惟有老先生門堪倚。追往駕煙宵裏。終舊學。今無  
計。嘆白頭猶記壯年標致。一樂堂深文益著。風雲亭在詞難繼。問有誰熱  
識。晦庵心。南軒意。韓元吉。南澗集。沈溪沙。水韻曾言席上。莫惜清樽領  
客同。已無花伴舞衣紅。強歌歸去莫怱怱。細雨弄煙煙弄日。斷雲黏水  
水黏空。餘醪飛下晚來風。浪淘沙。題富文席上。倦客怕離歌。春已無多。  
閑愁須倩酒消磨。風雨縱晴今夜月。不醉如何。玉笋滌金荷。情在雙蛾。  
二年能得幾經過。花滿碧溪歸棹遠。回首煙波。一剪梅。葉夢錫席上。竹  
裏疎枝總是梅。月白霜清猶未全開。相逢聊與着詩催。要趁金波。滿泛金  
盃。多病慚非作賦才。醉到花前。探得春回。明年公已在鸞臺。看取春風  
丹詔重來。醉落魄。孫觀席上作。賦。樓頭曉鼓。佳人莫唱黃金縷。良宵燈  
火還三五。腸斷扁舟明日江南去。離觴欲醉誰能許。風前蝶鬧蜂兒舞。  
明年此夜知何處。且插梅花同聽畫簷雨。南柯子。次韻姚提點行可席  
上見贈。急雨朝來過。濃雲晚半收。荷香偏傍酒樽浮。極目淡煙斜照。滿芳  
洲。消盡人間暑。翻成一跌秋。使星南楚轉東甌。只恐禁林歸詔。未容留。  
好事近。辛卯安席上。華屋翠雲深。雲外晚山千疊。眼底無窮春事。對楊

枝挑葉。老來沉醉為花狂。霜鬢未須緝。幾許夜闌清夢。任翻成蝴蝶。

水調歌頭。席上次韻王德和。世事不須問。我老但宜仙。南溪一曲。獨對蒼

翠與孱顏。月白風清。長夏醉裏。相逢林下。欲辨已忘言。無客問生死。有竹

報平安。少年期。功名事。竟無然。如今憔悴。蕭蕭華髮。抱塵編。萬里蓬萊

歸路。醉瑤臺風露。因酒得天全。笑指雲壺夢。今夕是何年。葉石林詞臨

江仙。席上次韻韓文若。聞道安車來過我。百花未敢飄零。疾催絃管送杯

行。五朝瞻舊老。揮塵聽風生。鳳詔遠從天上落。高臺燕喜初醒。莫言白

髮減風情。此時誰得似。飲罷却精神。又非以道見和蒼韓文若之句復

答之二首。三月鶯花都過了。曉來雪片猶零。嵩陽居士記行行。西湖初水

滿。遙想數枝生。欲為海棠傳信息。如今底事長醒。不應高卧頓忘情。留

春春不住。老眼若為明。又唱徹陽關分別袖。佳人粉淚空零。請公重

作醉歌行。一歡須痛飲。回首念平生。却怕老來風味減。半酣易逐愁醒。因

花那更賦閑情。鬢毛今爾耳。空笑老淵明。浣溪沙。詩公堂席上次韻王

切矣。絳蠟燒殘夜未分。寶箏聲緩拍初勻。手拈光顰坐生春。便恐賜環

歸袞綉。莫辭揮翰落煙雲。鳳城西去斷離魂。又用前韻再答切矣。綠野

歌歡許見分。驩驚和氣曉來勻。妙歌誰敢和陽春。梅藥舊年迎臘雪。月

華今夜破寒雲。猶醒爭笑楚人魂。又次韻王幼安曾存之園亭席上。物外光陰不屬春。斷留風景伴佳辰。醉歸誰管斷腸人。柳絮尚飄庭下雪。

梨花空作夢中雲。竹間籬落水邊門。張子野詞木蘭花。要親文畫堂席上。檀槽碎響金絲撥。露濕潯陽江上月。不知商婦為誰愁。一曲行人留晚發。畫堂花日新聲別。紅藥調高彈未徹。暗將深意語膠絃。長願絃絲無斷絕。

更漏子。漢王堂席上作。柳君家。賓宴集。秋葉晚。霜紅濕。簾額動。水紋浮。綠花相逐流。薄霞裳。醉酒面。重抱琵琶輕按。迴盡撥抹么絃。一聲飛露蟬。

少年遊。渝州席上和韻。聽歌持酒且休行。雲外樹。幾程程。眼看蒼牙。手搓花萼。未必兩無情。拓夫灘上聞新鴈。離袖掩盈盈。此恨無窮。遠如江水。東去幾時平。醉落魄。吳興草老席上。山園晝陰。風溪弄月清溶漾。玉樓茗館人相望。下若醺醺。覽欲金釵當。使君勸醉青娥唱。分明仙曲雲中響。南園百卉千家賞。和氣叢春。不獨花枝上。無春臺。東都春日李開

池館屏開。探芳菲。走馬天街。重簾人語。轉轉輕車。遠近輕雷。雕觴霞艷。翠幕雲飛。楚腰舞柳。宮面粧梅。金猊夜燠。羅衣暗裏香煤。洞府人歸。放笙歌燈火。樓臺下蓬萊。猶有花上月。清影徘徊。又碧淵堂席上有成。飛雲

過盡。明河淺。天無畔。草色猶螢。露華清著。輕颺弄袂。澄瀾拍岸。宴玉塵談  
賓。倚瓊枝。秀挹雕觴滿。午夜中秋。十分圓月。香槽撥鳳。朱紋軋屬。正是

欲醒還醉。臨空悵遠。畫更疊換。對東西數里回塘。恨零落芙蓉春不管。龍  
燈侍散。誰知道。座有離人目斷。雙歌伴。煙江艇子。歸來晚。仲并浮山集盡

堂春。即唐溪邊風物已春分。畫堂煙雨黃昏。水沉一縷。裊裊爐熏。盡醉芳樓。  
舞袖飄搖。回雪歌喉。宛轉留雲。人間能得幾回聞。丞相休嘆。沈溪沙。

即唐清遠湖山佳麗人。柳邊花下復清晨。向前猶有幾多春。板橋秋千  
時節近。管弦歌舞。一回新。未喚狂客污車茵。眼兒媚。同孫尚書赴五信

空平江即熱席上。鈴閣尋盟未肯寒。鷁首駐江干。雲煙翰墨。風流尊俎。不  
放更殘。金聲擲地。西清。老天未許終閑。知音素賞。當筵一曲。流水高山。

武陵春。元若唐總管席上。門巷烏衣應好在。風韻尚依然。知是蓬瀛第  
幾仙。秀色繁當筵。索句濡毫雲閣裏。清坐裊爐煙。誰賦回文第二篇。除

是見娟娟。洪迢盤洲集浣溪沙。席上別王巨濟先是兩姬免冠王奪兩枝  
雅以韋蕤。丹桂飄香已四番。扶黎勢手自今難。黯然離恨滿江干。壁上兩

冠元是識。花前雙韻幾時彈。中秋後夜與誰看。又席中春錢清。憶得熙  
春曉立班。使星曾入紫微垣。歸來小隱友芝蘭。後輅風流今復見。開尊

禮數自來寬。更看寶唾罵烏欄。又席上再作。不見丹丘三十年。青山碧  
 水想依然。自驚綠鬢已蒼顏。月在柳梢曾徑醉。兩荒院菊有誰憐。繡衣歸  
 與故人言。卜筮子。太守席上作。五鳳望中仙。五馬人間貴。舞態歌聲盡  
 出群。烏鵲巡簷喜。昨夜值狂風。痛飲元無味。說與燕門慢打更。却怕催  
 歸騎。又席上贈羅明。伶竹拂疎櫺。淡月侵涼榭。四畔青山進好風。金鴨  
 香煤地。寶唾紫珠璣。長袖飄蘭麝。莫問更樓夜若何。且結高陽社。好  
 事近。東湖席上。次曾守韻。時美曾同集。風細晚軒涼。妙句初揮新墨。綠水  
 池中賓佐。對嫩荷擎綠。坐看微月上雲頭。清臂映寒玉。只恐朝來酒醒  
 有文書。羈束。滿江紅。鄭憲席上再賦。累月愁霖。如今夕是何天色。秋老  
 矣。芙蓉遮道。黃花留客。長有霜螯來左右。誰言握馬能煎迫。眇高穹。重疊  
 起。頑雲星難摘。羅綺盛。軒牕窄。心已醉。肩須拍。更十分行酒。再三相嚇。  
 鳳詔十行歸路近。桂華千里明年隔。趁閑時。樓上共疑。簾花白。魏鶴山  
 詞。木蘭花。即席和韻。問梅花月裏誰解唱。小秦王。向三疊聲中。蘭橈荃棹。  
 往。醕椒漿。明朝濮渝江上。對春雲平野。北風涼。準擬八千里路。破除九十  
 春光。硯涇槐影漾。折常披拂御爐香。念人世難逢。玉塔方寸。陞猶顏行。  
 休言舉人文。繁一生窮達。與行藏。凡卉都隨歲換。幽蘭不為人芳。劉龍